

**Trutgs che semidan  
stgir e sulegl.  
In bien Diu tei gida  
tard e marvegl.**



### **Marita Bürkli scriva en num dallas pleivs Laax e Falera:**

Duront 15 onns ha sora Valentina pastorau cun fetg gronda premura ed engaschi. Cun sia bun'olma e siu carisma eis ella carschida a biars el cor e nus fagein fetg vess ch'ella sto uss ir in'autra via. Nus engraziein a Ti da cor per tut ils survetschs e buns patratgs che Ti has purtau en nossas pleivs e giavischein a Tia nova incumpensa bia satisfacziun e cuntentientscha.

Igl ei stau bi cun Tei. **In grond DIEUS PAGHI**

### **La suprastonza**

#### **Cars parochians.**

Cun in simbol hai jeu exprimiu mia finamira ella lavur da pastoraziun ella s. Messa ellas pleivs igl uost 1994. Quei medem simbol vegnel jeu era a mussar tier la davosa s. Messa ils 28 da zercladur. Rita Killias ha da lezzas uras mess il maletg cheu sura el fegl parochial da 1994.

#### **Jeu less mirar anavos sil temps passau cun ina detga**

**cassidica.** Ils gediis d'in pign marcau en Russia spitgavan vess l'arrivada d'in Rabbi. Els han preparau bia damondas ch'els levan tschentar al Rabbi. Cura che lez ei finalmein arrivaus ed els ein sentupai sil plaz cadruvi, ha il Rabbi viu la tensiun ell'aria e tuts eran fixai sin las damondas ch'els havevan preparau.

All'entschatta di el nuot: El mira sulettamein en lur egls ed intonescha ina melodia carmalonta. Prest mintgin entscheiva a far il medem. Il Rabbi conta ed il pievel conta cun el. Il Rabbi saulta vi e neu cun pass solems e decents. L'entira cuminonza fa il medem. Beingleiti ei la cuminonza en moviment e tuts emblidan lur damondas, quitaus e grevezias. Il sault cuoza bunamein in'ura e lu va el alla fin. Ei para che la tensiun seigi sparida da lur intern ed ina pasch beinvulenta sederasi sil plaz. E lu palesescha il Rabbi ils sulets plaids, ch'el ha detg lezza sera: Jeu supponel ch'jeu hagi rispundiu vossas damondas.

**En engrazieivladad e buna memoria. Sora Valentina**

### **Informaziuns per omisduas pleivs:**

#### **Elecziuns**

**Ils commembers e las commembras dallas suprastonzas Laax e Falera han eligiu dus gidonters per las pleivs.**

**Natalia Gliott, Laax** surpren lavurs el secretariat ed ulteriurs survetschs per las pleivs tenor indicaziuns dil plevon sur Peter. Nus selegrein dad haver anflau ina capavla e beinvulenta gidontra e giavischein a Natalia success e plascher en sia lavur.

En cass urgents eis ella contonschibla cun la nr. 076 358 48 12. Sche negin dat risposta en casa pervenda tschenta il telefon 081/921 41 12 entuorn sin siu natel. Aschia sperein nus ch'il survetsch da pastoraziun corrispundi als basegns dils parochians. Natalia Gliott ei eligida dad omisduas pleivs per secretaria. Aschia eis ella era persuna da contact per la pleiv da Falera sut la nr. 076/358 48 12.

**Alexandru Nan** ei vegnius eligius per il survetsch ella catechesa. El surpren las uras da Religiun sil scalem superieur a Laax sco era la 6avla classa da Laax. Plevon Nan ei il responsabel per la cuminonza ortodoxa ella Svizra orientala. (Ostschweiz). Nan ei maridaus, ei bab dad in affon ed ei domiciliaus a Cuera. Alexandru Nan ha la lubientscha digl uestg Vitus Huonder da dar ductrina. Nus giavischein a nies catechet plascher e satisfacziun en siu survetsch. Sur dalla cuminonza ortodoxa vegn el lu sez ad orientar. Nus selegrein sin la collaboraziun cun el.

#### **Rita Killas-Cantieni**

**ha duront 19 onns mess sias habilitads en survetsch dalla pleiv.** Ella ei stada fetg engaschada el cussegl pastoral, Rita ha menau il secretariat el temps vacant da plevon. Cun tutta forza ha Rita animau ils affons e dau vinavon ad els il scazi da nossa cardientscha cun biaras, interessantas uras da Religiun. Bugen seregurdein nus dallas fiastas da dumengi'alva, da Creisma, dallas messas da scola, dils survetschs divins dil plaid ensemen cun la gruppa da liturgia. **Cara Rita: DIEUS PAGHI.**

## Informaziuns per Laax

Communiun dils malsauns: Mesjamna, ils 15–07–09 **suentermiezdi**

### Fiasta dil s. Batten

Nus gratulein alla famiglia Tschalèr-Cadruvi, domiciliai a Razén, che sa festivar il Batten da lur affon **Danik**. Al niev commember ella cuminonza cristiana giavischein nus il sustegn e la legria dalla cuminonza cartenta.

### Fiasta da Nozzas:

Nus gratulein a **Nicole Derungs ed ad Armin Cadalbert, domiciliai a Rueun**, sin lur di da nozzas, ils 4 da fenadur a Rueun.

**Lea Killias e Damian Aepli**, domiciliai a Razén, festiveschan lur nozzas a s. Rumetg ils 25 da fenadur.

Cordiala gratulaziun e buna fortuna per vossa veta matrimoniala.

### Informaziun/ Preavis:

La s. **Messa alpestra** vegn buca celebrada uonn si Nagens. Ils 9 d'uoost vegnin nus ad haver in survetsch divin ecumen en connex cun il teater el liber.

Nus lein era far attents ils **geniturs che han schau battegiar lur affon** els onns 2007/08/09 sin in di da sentupada la dumengia suentermiezdi, **ils 23 d'uoost allas 15.30h**. Nus recumandain a vus da reservar quei termin en favur dils affons che selegnan da survegnir lur tschitta ch'els han retschiert tier la preparaziun sin la fiasta dil Batten.

Per igl Oratori Ecumen a Murschetg havein nus anflau duas dunnas **Sigrid Pérèz ed Ivonne Allenspach** che sorprendan ils survetschs necessaris el temps dalla sesiun da Nadal entochen Pastgas.

Duront l'absenza da Sur Peter, ils 21 da fenadur tochen ils 5 d'uoost san ins sevolver en cass urgents e da mortoris tier Paulina Arpagaus nr. 081 921 54 69 **ni** 079 211 50 00 e tier Natalia Gliott nr. 081 921 48 12 **ni** 076 358 48 12.

L'adresa da sora Valentina ei naven dils 20 da fenadur.

**Sr. V. Spescha, Seestrasse 17, 7310 Bad Ragaz**  
tel. 081 302 40 43

## Informaziuns per Falera

Communiun dils malsauns: Venderdis, 10-07-09 **suentermiezdi**  
Gievgia, 23-07-09 **suentermiezdi**

### Nozzas a s. Rumetg:

Ils 4 da fenadur maridan Alessa Weibel e Silvio Hochreutener, Horgen.

Cordiala gratulaziun admettein nus ad **Urs Casutt ed a Linda Tuor**. Els festiveschan lur nozzas ils 18 da fenadur allas 14.30h a Sogn Rumetg

Ils 25 da fenadur maridan Lea Killias e Damian Aepli allas 14.00h a sogn Rumetg. Cordiala gratulaziun e ventira per la veta matrimoniala.

### Preavis ed informaziuns:

La s. **Messa si l'alp** Dadens sura croda uonn.

Ils **geniturs che han schau battegiar lur affon** els onns 2007/08/09 supplichein nus da reservar il termin dumengia suentermiezdi, **ils 8 da november allas 15.30h**. Quella sentupada fagein nus cun las familias, per dar impuls che van vinavon suenter il Batten sco era per haver la caschun da returnar las tschittas ch'els geniturs han ornau tier la preparaziun dil Batten. A dretg temps retscheivan ils pertuccai in invit persunal.

Alla radunonza annuala dalla pleiv han ils parochians presents votau da midar la **fiasta da Perdanonza sin** la secunda dumengia da settember. Aschia vegnin nus a festivar uonn nossa Perdanonza la dumengia, ils 13 da settember gest suenter il di dil num da Maria che vegn commemoraus ils 12 da settember.

Duront l'absenza da Sur Peter, ils 21 da fenadur tochen ils 5 d'uoost san ins sevolver en cass urgents e da mortoris tier Anita Darms nr. 081 921 32 06 **ni** tier Agnes Cathomen 081 921 30 61 **ni** 078 845 72 99.

**A tuts che san guder dis da vacanzas e temps liber giavischein nus in ventireivel, sulegliv ed emperneivel temps.**

Entras il regal dallas pleivs da Falera e da Laax sai jeu era esser sco tochen da cheu colligiada online cun Diu mo ussa era online cun vus sut l'adresa: [bad-ragaz@kloster-ingenbohl.ch](mailto:bad-ragaz@kloster-ingenbohl.ch). Engraziel fetg per quella pusseivladad da restar en contact cun vus.